

Қазақстан Республикасындағы жоғары білім

Жариялау күні: 25.12.2025

Келесі жариялау күні: 25.12.2025

1. Негізгі ойлар

2. Жоғары білімнің негізгі көрсеткіштерінің динамикасы

3. Глоссарий

4. Әдістемелік түсініктемелер

5. Қатысты басылымдарға сілтемелер

6. Пайдалы сілтемелер

1. Негізгі ойлар

2024-2025 оқу жылының басына студенттердің жалпы саны 624,5 мың адамды құрады, оның ішінде әйелдер – 53%.


Ағымдағы оқу жылында қабылданған студенттер саны 183,6 мың адамды құрады, оның ішінде әйелдер – 51,8%.

Өткен оқу жылында қабылданған студенттер саны 63,3 мың студент келіп, 67,8 мың студент шығып, 147,4 мың адам оқуды бітірді.

Студенттердің жалпы санының 99,7% күндізгі және 0,3% сырттай нысанда оқиды.

Жасы бойынша жоғары білім беру ұйымдарындағы студенттер саны

оқу жылының басына, адам




Мемлекеттік жоғары білім ұйымдарында оқитын студенттердің үлесі 51,3%, жеке меншік ұйымдарында - 48%, шет меншігі – 0,7% құрады.

Қабылдау квотасы бойынша жоғары білім беру ұйымдарында 82,7 мың адам оқиды, оның ішінде 29,4 мың адам - ауыл жастары қатарынан шыққан азаматтар, 23,7 мың адам – төрт және одан да көп кәмелетке толмаған бала тәрбиеленетін отбасылардан шыққан балалар, 11,2 мың адам – толық емес отбасылардан шыққан балалар.

Өңірлер бойынша студенттер саны

оқу жылының басына, мың адам



Түскен студенттердің жалпы санынан 73,5% жалпы орта білім базасында, 18,8% техникалық және кәсіптік білім базасында және 7,7% жоғары білім базасында қабылданды.


Басқа қалалардан келген студенттердің жалпы саны 336,4 мың адамды құрады. Жатақханаға мұқтаж студенттер саны 131,4 мың адамды құрады, оның ішінде 95,9 мың студент жатақханада тұрады.

2024-2025 оқу жылының басына республиканың жоғары білім беру ұйымдарында 37599 оқытушы жұмыс істеді, оның ішінде 14699 адам (39,1%) магистр академиялық дәрежесіне ие, 10374 адам (27,6%) ғылым кандидаты ғылыми дәрежесіне ие, 4841 адам (12,9%) философия докторы (PhD) ғылыми дәрежесіне ие.

2024-2025 оқу жылының басына Қазақстан Республикасында жұмыс істеп тұрған жоғары оқу орындарының саны - 113 ұйымды құрады.


Меншік түрлері бойынша оқу орындарының саны

пайызбен



Жоғары білім беру ұйымдарының саны

оқу жылының басына, бірлік



Электронды кестелер:


2024-2025 оқу жылының басына Қазақстан Республикасының жоғары оқу орындары

2. Жоғары білім беру көрсеткіштерінің динамикасы

Соңғы 5 жыл ішінде жоғары білімнің білім беру бағдарламаларын жүзеге асыратын ұйымдардың саны 9,6% қысқарды. 2019-2020 оқу жылымен салыстырғанда студенттер саны 8,5% өсті.

Студенттер саны және жоғары білім беру ұйымдарының саны

оқу жылының басына, бірлік



3. Глоссарий

Жоғары және (немесе) жоғары оқу орнынан кейінгі білім беру ұйымдары – жоғары және (немесе) жоғары оқу орнынан кейінгі білімнің білім беру бағдарламаларын іске асыратын және ғылыми-зерттеу қызметін жүзеге асыратын жоғары оқу орындары.

Университет – әртүрлі салалар бойынша ғылыми-педагогикалық қызметті, кадрлар даярлауды, іргелі және (немесе) қолданбалы ғылыми зерттеулерді жүзеге асыратын және жетекші ғылыми-әдістемелік орталық болып табылатын жоғары және (немесе) жоғары оқу орнынан кейінгі білім беру ұйымы.

Ұлттық жоғары және (немесе) жоғары оқу орнынан кейінгі білім беру ұйымы – ерекше мәртебесі бар жоғары және (немесе) жоғары оқу орнынан кейінгі білім беру ұйымы.

Зерттеу университеті – Қазақстан Республикасының Үкіметі бекіткен, бес жылға арналған даму бағдарламасын іске асыратын және білім мен ғылымды интеграциялау, жаңа білімді және технологияларды жинақтау мен трансферттеу үшін өз қызметінің нәтижелерін пайдаланатын университет.

Ұлттық зерттеу университеті – ерекше мәртебесі бар зерттеу университет.

Институт – ғылыми-педагогикалық қызметті, сондай-ақ кәсіби қызмет үшін кадрлар даярлауды жүзеге асыратын жоғары және (немесе) жоғары оқу орнынан кейінгі білім беру ұйымы.

Академия – белгілі бір салада ғылыми-педагогикалық қызметті жүзеге асыратын және ғылыми-әдістемелік орталық болып табылатын "жоғары" және (немесе) "жоғары" оқу орнынан кейінгі білім беру ұйымы.

Бакалавриат – тиісті мамандық бойынша "бакалавр" дәрежесін бере отырып, кадрлар даярлауға бағытталған жоғары білім, білім беру бағдарламалары.

Бакалавр – жоғары білімнің білім беру бағдарламаларын меңгерген адамдарға берілетін дәреже.

4. Әдістемелік түсіндірмелер

Жоғары білім беру бағдарламалары бойынша оқыту жоғары және (немесе) жоғары оқу орнынан кейінгі білім беру ұйымдарында іске асырылады.

Ұлттық зерттеу университеті жоғары және (немесе) жоғары оқу орнынан кейінгі білім беру ұлттық ұйымы, зерттеу университеті, университет, академия, институт және оларға теңестірілген (қонсерватория, жоғары мектеп, жоғары училище) жоғары және (немесе) жоғары оқу орнынан кейінгі білім беру ұйымдарының негізгі түрлері болып табылады.

Жоғары білімнің білім беру бағдарламасын меңгеру бойынша қорытынды аттестаттаудан өткен білім алушыға "бакалавр" дәрежесі беріледі немесе "маман" біліктілігі беріледі.

5. Басылымдарға қатысты сілтемелер

[«Қазақстан Республикасындағы білім беру» статистикалық жинағы](#)

6. Пайдалы сілтемелер

[Статистика бойынша әдіснамалық ереже](#)

[«Жоғары оқу орнының есебі» ОВПО нысаны](#)

[«Талдау» ақпараттық-аналитикалық жүйесі](#)

Шығарылымға жауапты:
Халық статистикасы департаменті

Департамент директоры:
Н. Ханжігітов
Тел. +7 7172 749061

Орындаушы:
А.Мизинбаева
Тел. +7 7172 749258
E-mail: a.mizinbaeva@aspire.gov.kz

Мекен жайы:
010000, Астана қаласы
Мәңгілік ел даңғылы, 8
Министрліктер үйі, 4-кіреберіс